



Politička organizacija građana **NAŠA STRANKA**
Adresa: Branilaca Sarajeva 5/1
71000 Sarajevo, Bosna i Hercegovina

Miomirka Melank

Zastupnica Naše stranke u Skupštini Kantona Sarajevo
Sarajevo, 13. 10. 2025.

Dostaviti:

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
Skupština Kantona Sarajevo
n/r predsjedavajući Skupštine Kantona Sarajevo

Uputiti:

Vladi KS
Ministarstvu zdravstva KS

PREDMET: ZASTUPNIČKA INICIJATIVA

1

Poštovani,

Na osnovu člana 106. Poslovnika Skupštine Kantona Sarajevo ("Službene novine Kantona Sarajevo", brojevi 25/10, 14/11, 19/11, 7/12, 26/12, 15/13, 47/13, 47/15, 48/16, 9/20 i 14/20), upućujem

INICIJATIVU u Kantonu Sarajevo za uvođenje obavezne vakcinacije kao uslova za upis djece u vrtiće i osnovne škole.

Obrazloženje: Zdravlje djece je temelj zdravog društva. U Kantonu Sarajevo, kao i širom svijeta, vakcinacija predstavlja najefikasniji način prevencije zaraznih bolesti koje mogu imati ozbiljne posljedice po pojedince i zajednicu. Uprkos dostupnosti vakcina, bilježi se pad imunizacije, što povećava rizik od epidemija bolesti poput morbila, pertusisa i zaušnjaka.

Uvođenjem obavezne vakcinacije kao uslova za upis u predškolske i školske ustanove, cilj je:

- Zaštita zdravlja djece i kolektiva
- Prevencija širenja zaraznih bolesti
- Usklađivanje sa međunarodnim standardima i praksama

Zakon o zaštiti stanovništva od zaraznih bolesti FBiH već predviđa obaveznu imunizaciju djece. **Konvencija o pravima djeteta (UN)** garantuje pravo na zdravlje. **Evropska praksa** je **da** većina zemalja EU ima obaveznu vakcinaciju za upis u obrazovne ustanove (npr. Italija, Francuska, Njemačka)

- Prema podacima Zavoda za javno zdravstvo KS, pokrivenost MMR vakcinom u nekim općinama **pala ispod 80%**. Za prvih osam mjeseci u ovoj godini, obuhvat prvom dozom MRP vakcine iznosi blizu 18 posto od planiranih doza i za drugu dozu 25 posto. Slična situacija je i sa DTaP-IPV-HiB vakcinom.

- Pojava lokalnih **epidemija morbila** u BiH u posljednjih 5 godina

- **Dezinformacije i nepovjerenje** u vakcine doprinose odbijanju imunizacije

Zato predlažemo da vakcinacije bude Zakonska obaveza za upis u vrtiće i škole, uz izuzetke iz medicinskih razloga.

Pored toga, nužna **je uspostava registra vakcinacije** i elektronske evidencije, **edukativne kampanje** za roditelje i staratelje i podrška zdravstvenim radnicima u komunikaciji s porodicama.

Ova inicijativa ne ograničava prava roditelja — ona štiti pravo svakog djeteta na zdravlje i pravo kolektiva na sigurnost. Obavezna vakcinacija je izraz društvene solidarnosti i odgovornosti.

S poštovanjem,

Miomirka Melank